

## **BONA UMOR**

N'i a que pòrten patz tatoada ena pèth,  
n'i a que s'estaquen batalhes qu'oprimissen sa consciéncia,  
n'i a que cerquen mèns enlà, d'auti guarden e non i ven.  
I a qui te ven felicitat, e qui la'c crompe a cambi de  
traballar sense descans, eth sòn còr va castigant.

Oh ya ya ye! Que bon qu'ei açò! Oh ya ya ye! Que ben!

N'i a que luden flors enes pòts,  
mès quan escotes ben ves qu'eth sòn vèrb ei guinhaueta,  
n'i a qu'ena paraula an mèu, trendi coma era net d'ostiu.  
I a qui lute per auer un tròç de mon, e n'i a que vòlen compartir-lo  
promocion de bona umor, diden qu'ei era solucion.

Oh ya ya ye! Que bon qu'ei açò! Oh ya ya ye! Que ben!

Vòltes, vòltes, èrem a on èm, era beresa enes nòsti uelhs.  
Tant diuèrsi e iguali qu'èm, bona umor mos va molt ben.

Sai que non i a arren de nau en tot çò qu'è dit,  
mès me preocupe er esclavatge sus era libertat d'escuelher,  
reberàs de çò que das, profita es oportunitats!

Oh! guairi reptes atau mos trobam,  
e que poqueti en superam,  
non i a cap pòur de penedir-se, escuelh era bontat!

Oh! guairi reptes atau mos trobam,  
e que poqueti en superam,  
facilament felicitat, repartim bona umor!